



CONCELLO DE MONFERO (A Coruña)

ACTA DA SESIÓN ORDINARIA CELEBRADA POLA XUNTA DE GOBERNO LOCAL DO CONCELLO DE MONFERO O DÍA VINTE E DOUS DE XULLO DE DOUS MIL VINTE E SEIS (23/2026)

Na Casa do Concello de Monfero, ás doce horas e vinte minutos do día vinte e dous de xullo de dous mil vinte e seis, en primeira convocatoria, baixo a presidencia do Primeiro Tenente de Alcalde, D. Alberto Cortizas Rejo, en funcións de Alcalde por enfermidade do Sr. Alcalde, D. Andrés Feal Varela, reúnen os Sres. Concelleiros: D. José Grueiro Torrado e D. Ramón Grueiro Martínez, para o efecto de celebrar a sesión ordinaria convocada para ese día ás doce horas.

Actúa como secretario o que o é da Corporación, D. Baldomero Beceiro Alonso.

Os asuntos da **orde do día** son os seguintes:

1. Aprobación da acta da sesión do día 17 de xullo de 2026
2. Aprobación da relación de facturas núm. 035XOISU/2026
3. Aprobación da relación de facturas núm. 036XOK/2026
4. Solicitud de devolución ICIO

1.- APROBACIÓN DA ACTA DA SESIÓN DO DÍA 17 DE XULLO DE 2026

O Sr. Alcalde en funcións pregúntalles aos asistentes se teñen que facer algunha alegación á devandita acta, que, como está acordado, se publicou no Taboleiro de Anuncios Electrónico do Concello con anterioridade á convocatoria desta sesión, e non formulan ningunha. O Sr. Alcalde en funcións, ao non facerse ningunha alegación, proclama que a acta da sesión do día 17 de xullo de 2026 se considera aprobada sen ningunha obxección.

2.- APROBACIÓN DA RELACIÓN DE FACTURAS NÚM. 035XOISU/2026

O Sr. Secretario-Interventor informa sobre a factura a aprobar, sobre a proposta de acordo da Alcaldía con respecto a este punto da orde do día que se transcribe literalmente deseguido, sobre o seu informe de Intervención e sobre o resto da documentación que, como a anteriormente indicada, consta asinada dixitalmente no expediente electrónico da aplicación Tedec relacionado con este punto da orde do día:

“PROPOSTA DE ACORDO DA ALCALDÍA

Logo de examinar a factura incluída na relación delas n.º 035XOISU/2026, así como o informe de Intervención que consta asinado dixitalmente no correspondente expediente electrónico, tramitado para a súa aprobación con omisión da función interventora na contratación á que se refire o gasto a recoñecer e no que se pronuncia nos termos e co alcance do artigo 28 do Real Decreto 424/2017,

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

de 28 de abril, polo que se regula o réxime xurídico do control interno das entidades do sector público local, e considerando que consta acreditado que a subministración á que se refire está realizada e por encargo e en beneficio do Concello, a quen lle corresponde atender o gasto correspondente para poder prestar os servizos esenciais á veciñanza, o que o xustifica de maneira motivada, que se dispón de crédito orzamentario suficiente e axeitado para facerlle fronte, que descoñecía a necesidade de fiscalización previa e que a falta de cumprimento dalgún dos requisitos esixidos non pode constituír impedimento para facer fronte a obriga de pagamento nin ocasionar o enriquecemento inxusto do Concello por incumprir a obriga ao seu cargo, nin se poden paralizar os servizos polas dificultades na aplicación da normativa, e, polo tanto, que concorren razóns de interese público, propóñolle á Xunta de Goberno Local a adopción do seguinte acordo:

Coñecer e resolver a omisión de fiscalización acontecida, continuar coa tramitación do procedemento e recoñecer e liquidar a obriga correspondente ao gasto que contén a relación de facturas que se indica a continuación, ao que se presta aprobación, e acumular nun só acto as tres fases de execución do gasto ás que se refire o art. 67.1.b) do Real decreto 500/1990, do 20 de abril, e que a Tesourería Municipal proceda ao seu pagamento ao dito acredor e a súa contabilización con cargo á aplicación orzamentaria que nela se indica:

RELACIÓN DE FACTURAS NÚMERO	035XOISU/2026
Importe total	4.515,59€
Número de facturas e gastos que contén	1
Número do Rexistro de Facturas da Factura	F/2026/994

O Alcalde en funcións, Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda aprobar a proposta.

3.- APROBACIÓN DA RELACIÓN DE FACTURAS NÚM. 036XOK/2026

O Sr. Secretario-Interventor informa sobre as facturas a aprobar, sobre a proposta de acordo da Alcaldía con respecto a este punto da orde do día que se transcribe literalmente deseguido, sobre o seu informe de Intervención limitada previa de requisitos básicos de conformidade e sobre o resto da documentación que, como a anteriormente indicada, consta asinada dixitalmente no expediente electrónico da aplicación Tedec relacionado con este punto da orde do día:

“PROPOSTA DE ACORDO DA ALCALDÍA

Logo de examinar as facturas incluídas na relación delas n.º 036XOK/2026 e o informe favorable da Intervención municipal que consta asinado dixitalmente no correspondente expediente electrónico, considerando que as prestacións corresponden a servizos derivados de compromisos de gasto

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

debidamente adquiridos e que consta acreditado no expediente que están realizadas e en beneficio e coa conformidade do Concello, que dispón de crédito orzamentario suficiente e axeitado para facerlles fronte, propóñolle á Xunta de Goberno Local a adopción do seguinte acordo:

Recoñecer e liquidar as obrigas correspondentes aos gastos que contén a relación de facturas que se indica a continuación, aos que se lle presta aprobación, e que a Tesourería Municipal proceda ao seu pagamento aos provedores e a súa contabilización con cargo ás aplicacións orzamentarias que nela se indican:

RELACIÓN DE FACTURAS NÚMERO	036XOK/2026
Importe total	6.400,54€
Número de facturas e gastos que contén	2
Número do Rexistro Facturas da primeira factura	F/2026/1175
Número do Rexistro Facturas da última factura	F/2026/1179

O Alcalde en funcións, Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda aprobar a proposta.

4.- SOLICITUDE DEVOLUCIÓN ICIO

O Sr. Secretario-interventor dá conta da solicitude da persoa interesada, do informe do arquitecto contratado para o efecto e da proposta de acordo da Alcaldía con respecto a este punto da orde do día que consta asinada dixitalmente no expediente electrónico da aplicación Tedec relacionado con este punto que se indica máis adiante e que se transcribe literalmente deseguido:

“PROPOSTA DE ACORDO DA ALCALDÍA

- Xestión de Propostas –

2026/G006/000129

Asunto: PROPOSTA RESOLUCIÓN DEVOLUCIÓN TAXA ICIO

Logo de examinar o escrito de desistencia ou renuncia presentado pola persoa que responde ás iniciais R.D.G.C. en data 12/06/2026, con número de rexistro de entrada 202600000000396, no que comunica o seu desistimento expreso da comunicación previa presentada para realización das obras de RESTAURACIÓN DE ESTANCIAS incluídas no expediente con número 2026/U026/000042, e solicita a devolución do importe da taxa satisfeita correspondente ao ICIO, porque finalmente non realizou as obras comunicadas.

Tendo en conta o indicado no informe do Arquitecto a servizo do Concello, de data 20/07/2026, logo de realizar visita ao lugar de PIÑEIRO 9, parroquia de Vilachá deste termo municipal, no que comproba que as obras para as que se solicitou título habilitante NON foron realizadas.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

De acordo co establecido no artigo 2 da Ordenanza Fiscal nº 3, reguladora do imposto sobre construcións, instalacións e obras no Concello de Monfero, que di:

Constitúe o feito impoñible do imposto a realización dentro do termo municipal, de calquera construción, instalación ou obra para a que se esixa obtención da correspondente licenza de obras ou urbanística, obtívrase ou non dita licenza, ou para a que se esixa a presentación de declaración responsable ou comunicación previa, presentárase ou non, sempre que a expedición da licenza ou a actividade de control corresponda a este Concello.

e o establecido no artigo 7.5 da mesma Ordenanza Fiscal que indica:

No suposto de que non se inicien ou non se executen integramente as construcións, instalacións ou obras, o interesado terá dereito á devolución das cotas do ICIO satisfeitas e correspondentes á base impoñible das non realizadas, sempre e cando formule renuncia expresa á licenza, ou sexa declarada caducada mediante resolución administrativa firme e teñan transcorrido os prazos para a interposición do correspondente recurso contencioso administrativo contra a dita declaración de caducidade. Igualmente terá dereito á devolución do ingresado unha vez formule expresa renuncia nos supostos de presentación dunha comunicación previa ou declaración responsable.

Tendo en conta o anterior, e considerando que, de acordo ao indicado no informe do Arquitecto, non se produciu o feito impoñible.

Propóñolle a Xunta de Goberno Local a adopción dos seguintes acordos:

- 1.- Aceptar o desistimento expreso da comunicación previa presentada para realización das obras de RESTAURACIÓN DE ESTANCIAS, incluídas no expediente con número 2026/U026/000042, comunicada pola persoa que responde ás iniciais R.D.G.C.
- 2.- Aceptar a solicitude presentada pola persoa que responde ás iniciais R.D.G.C. e aprobar a devolución da cota satisfeita do Imposto de Construcións, instalacións e obras, por importe de 386,40 €
- 3.- Proceder ao seu pagamento mediante transferencia bancaria á conta facilitada polo interesado.
- 4.- Arquivar o expediente de comunicación previa por desistimento do/a interesado/a.
- 5.- Notificar este acordo á persoa interesada.

O Alcalde en funcións, Alberto Cortizas Rejo"

A Xunta de Goberno local, por delegación da Alcaldía, toma razón e, por unanimidade, acorda aprobar a proposta.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

E sen máis asuntos que tratar, o Sr. Alcalde en funcións levantou a sesión, ás doce horas e vinte e sete minutos do día ao principio indicado, e eu, como Secretario, certificoo.

O Alcalde en funcións

O Secretario

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)